

ISIXHOSA ULWIMI LOKUQALA OLONGEZELELWEYO: IPHEPHA II
ISIXHOSA FIRST ADDITIONAL LANGUAGE: PAPER II

Ixesha: 2½ liyure

Amanqaku: 100

IMIYALELO

1. Eli phepha lemibuzo linamaphepha ali-11. Nceda uqinisekise ukuba iphepha lakho lemibuzo liphelele.
 2. Eli phepha lemibuzo linamacandelo amabini (u-A noB).

ICANDELO A: Inoveli
ICANDELO B: Imihlathi nemihlathana
 3. KWICANDELO A – phendula YONKE IMIBUZO.
KWICANDELO B – bhala umhlathi omde ube MNYE, nomhlathi OMNYE omfutshane.
 4. Phendula imibuzo EMINE iyonke.
 5. Phendula yonke imibuzo ngesiXhosa.
 6. Umthamo wempendulo yakho mawukhokelwe ngamanqaku ombuzo.
 7. Nombola iimpendulo zakho ngendlela ekunonjolwe ngayo kwiphepha lemibuzo.
 8. Bhala ngokucocekileyo nangokucacileyo.
-

ICANDELO A UNCWADI

INOVELI: *Tata Sikuxolele!* – Thembisile Nkundlwana

UMBUZO 1 UMHLATHI NGABALINGANISWA

1.1 Funda isicatshulwa uze wandule ukuphendula imibuzo.

Utata weli khaya naye uyabathwaxa ngesabhokhwana esithi, "Imali kuthiwa ibiwe nini. Niyenzele ntoni loo nto micholwandini?"

Iwele elinguSilinda lalisathetha ngoku likhalayo nalo, "Imizimba yethu ibuhlungu, izele yimivumba yokubethelwa into engekho nini tata. Oonyana benu aba abakwazi bona ukuyiba imali ngoba ngabo kanye enivayo ukuba bebexabana ngekhulu leerandi esikolweni. Besingekho thina apho. Bebexabene ngemali abayifumene phi? Kutheni ningabuzi kubo nje? Ningabazali abanjani aba bangananceba?"

Emva kokutshovelwa phandle sekungorhatya la mawele akhala kalusizi ekubeni nabamelwane bebemamele kunjalo bevakalelwa kuba nabo bangabazali.

- 1.1.1 Babethelwa ntoni aba bantwana? (1)
- 1.1.2 Bazalana njani aba bantwana nalo tata ubabethayo? (1)
- 1.1.3 Ngubani omnye owayebabetha ngaphandle kwalo tata? (1)
- 1.1.4 Nika igama lelinye iwele elingaxelwanga kwisicatshulwa. (1)
- 1.1.5 Yimalini le kuthiwa bayibile? (1)
- 1.1.6 Kutheni ooSilinda bengayi esikolweni? (1)
- 1.1.7 Babeziva njani abamelwane ngemeko yaba bantwana? (1)
- 1.1.8 Lo tata wayebabetha ngantoni aba bantwana? (1)
- 1.1.9 Igama elithi 'micholwandini' libonisa:
- A Ukungavisisani.
- B Ukungamameli.
- C Ukungaxatyiswa. (1)
- 1.1.10 Khupha kwisicatshulwa isivakalisi esibonisa ukuba aba bantwana bayaxhatshazwa. (1)

[10]

IZIMO ZABALINGANISWA

1.2 Chaza izimo zaba balinganiswa bangezantsi. Chaphazela indlela abaziphethe/ababoniswa ngayo ebalini.

1.2.1 UNkosikazi Jali. (2)

1.2.2 USiyalo. (2)

1.2.3 UKatrina. (2)

1.2.4 UNowinile. (2)

1.2.5 UNobenani. (2)

[10]

UMBUZO 2

Jonga ezi zivakalisi. Yitsho ukuba **SIYINYANI** okanye **SIBUBUXOKI**. Ukuba **SIBUBUXOKI** silungise.

2.1 Amawele ayefunda kwisikolo sabadala.

2.2 ULungiswa ngumama wamawele.

2.3 UThofayo noToki zizinja zakwaKhohlela.

2.4 UKhohlela ubandakanyeka ekubulaweni nasekunyamalaleni kwabantu.

2.5 USiyalo wayefuna ukumtshata nyani uSilinda.

2.6 USiviwe asingomntwana kaKhohlela.

2.7 UKatrina wayemthanda kakhulu uNdabazipheli.

2.8 Abantu abaninzi kwilali kaKhohlela babemoyika kakhulu uKhohlela.

[10]

INCOKO

Khetha umbuzo ube MNYE kule ingezantsi ubhale ngawo incoko.

Khetha phakathi **KOMBUZO WESI-3 NOMBUSO WESI-4**.

Bhala phantsi umbuzo wedayalogu oyikhethileyo.

Incoko yakho mayibe phakathi **kwamagama ali-130** ukuya **kumagama ali-180** ubude.

UMBUZO 3

Bhala incoko phakathi kukaSilinda noNkosikazi Jali beqala ukudibana edolophini eMonti.

- Bonisa umdla ebenawo uSilinda xa ebona uNkosikazi Jali.
- Mababulisane bazane.
- UNkosikazi Jali makachazele uSilinda ngeshishini lakhe nomsebenzi anawo kwelo shishini.
- UNkosikazi Jali makacacisele uSilinda ukuba bangalufumana uncedo kwindlela abaphila ngayo newele lakhe ukuba bangasebenza kweli shishini.
- USilinda makabonise indlela aziva ngayo ngezi ndaba.
- Bonisa indlela ephele ngayo le ncoko.

[Isakhiwo sedayalogu/sencoko naso siya kuthathelwa ingqalelo.]

[15]

OKANYE

UMBUZO 4

Gqibezela incoko phakathi kukaMamThembu noNdabazipheli endlwini kaMamThembu.

UMamThembu esacinga ngokuya kuzibekela amanzi eti, weva kunkqonkqozwa, wathi makangene lowo. Akuphakamisa amehlo wabona kusiza kuloo sofa wayehleli kuyo uNdabazipheli encumile.

UNdabazipheli: Molo wethu MamThembu. Kunjani nisaphila?

4.1 **UMamThembu:** ..., ... (2)

UNdabazipheli: Kuhle MamThembu ngoba siyavuka sibhinqe.

Uphi uAsaphila?

4.2 **UMamThembu:** ... (1)

4.3 **UMamThembu:** ... (1)

UNdabazipheli: Indlu le iqale yandilahleka kuba ilungisiwe yaye inebala eliqaqambileyo.

4.4 **UMamThembu:** ... (1)

- 4.5 **UNdabazipheli:** MamThembu ndizokucela uxolo torho, ndifuna ... ukuze sihlale ngolwahlobo lwakuqala. (1)
- 4.6 **UMamThembu:** Yithi uyandiqhula, ayinakuba nguwe lo ... (1)
- UNdabazipheli: Owu yhini MamThembu, sendithe ndizokucela uxolo kuwe. Mama kaAsaphila.
- UMamThembu:** Ndingahlala nawe xa ndingubani mna Dikela?
- 4.7 Ndiyakwazi undijongele ... (1)
- Baphi abantu bakho abaphucukileyo kaloku?
- 4.8 **UNdabazipheli:** Andijiki MamThembu, ... ngokungazenzisiyo. (1)
- 4.9 **UMamThembu:** Ixesha lakho lagqitha Dikela, ayisekho into ... phakathi kwethu. (1)
- 4.10 **UNdabazipheli:** Yhini MamThembu, khawundinike ... lesibini kaloku. (1)
- UNdabazipheli: Nazi izinto endiniphathele zona ungazikhalali kuba wena usenomsindo.
- 4.11 **UMamThembu:** ... (1)
- UNdabazipheli: Ndingaphinda ndifike nini apha ukuze side sibonisane MamThembu?
- 4.12 **UMamThembu:** Ungeza ngeCawe ngentsimbi yesibini, ndakuba sendibuyile ... (1)
- 4.13 **UNdabazipheli:** Soze lindiphose ngoba ... (1)
- 4.14 **UNdabazipheli:** ... (1)
- UMamThembu: Hamba kakuhle Dikela.

[15]

ISINCOKO

Khetha umbuzo ube MNYE kule ilandelayo ubhale ngawo isincoko. Phendula **UMBUZO WESI-5** okanye **UMBUZO WESI-6**. Isincoko sakho masibe phakathi kwamagama ali-180 ukuya kumagama angama-200 ubude.

UMBUZO 5

Bonisa indlela imfundo ebakhuphe ngayo uSilinda noSinekusasa entluphekweni. Bhala umhlathi ngengongoma nganye kwezi uzinikiweyo ngezantsi.

- Chaza indlela abakhule ngayo aba bantwana.
- Bonisa indlela abayifumene ngayo imfundo.
- Imfundo ibutshintshe njani ubomi baba bantwana. (20)

[Isakhiwo sesincoko naso siya kuthathelwa ingqalelo.] (5)
[25]

OKANYE

UMBUZO 6

Bhala ngobomi bukaNdabazipheli Mlinganiswa. Chaphazela ezi ngongoma:

- Ukuzalwa nokukhula kwakhe.
- Imfundo.
- Ubomi neziganeko. (20)

[Isakhiwo sesincoko naso siya kuthathelwa ingqalelo.] (5)
[25]

70 amanqaku

ICANDELO B

IMIHLATHI EMIDE

- Phendula **ileta yoburhulumente** okanye i-imeyile.
- Impendulo yakho mayibe phakathi **kwamagama ali-150** ukuya **kumagama ali-180 ubude**.
- Ukuba ukhetha i-imeyile, sebenzisa isakhiwo se-imeyile osinikiweyo.
- Bhala phantsi inombolo yombuzo.

UMBUZO 7

ILETA YOBURHULUMENTE

Ninengxaki yombane namanzi kwingingqi yakho. **Bhalela** umhleli wephephandaba lengingqi yakho umchazele izimvo zakho nendlela oziva ngayo ngalo mba.



[Umfanekiso uthatyathwe kwi-Intanethi]

Chaphazela ezi ngongoma:

- Iqale nini ingxaki yamanzi nombane?
- Inichaphazela njani le ngxaki?
- Zeziphi izinto enizenzileyo ukunqanda oku?

[20]

OKANYE

UMBUZO 8

ILETA YOBURHULUMENTE

Bhala ileta yoburhulumente ubhalele inkampani ekunike ibhasari kulo nyaka. **Bulela, uthembise** ukuba imali iza kusebenza ngendlela efanelekileyo.

Chaphazela ezi ngongoma:

- Yeyiphi le nkampani ikuncedileyo?
- Babulele.
- Chaza indlela eza kusebenza ngayo le mali.

UMBUZO 9

I-IMEYILE

Ungomnye wabafundi abakhethiweyo ukuba bayokufunda ixeshana [*Exchange*] eMelika. **Bhalela** umhlobo wakho i-imeyile umchazele ngesikolo ofike wafunda kuso eMelika nezinto ezintsha ozifundileyo kwesi sikolo.



[Umfanekiso uthatyathwe kwi-intanethi]

Chaphazela ezi ngongoma:

- Sixelele ngesikolo ofike wafunda kuso.
- Sixelele ngezinto ezintsha ozifunde kwesi sikolo.
- Sixelele ukuba luza kunceda njani ulwazi olufumene kwesi sikolo.

[20]

OKANYE

UMBUZO 10

I-IMEYILE

Ufuna umsebenzi wethutyana waze wabona esi sibhengezo singezantsi. Phendula ubonise umdla kulo msebenzi ubaxelele ukuba ufuna ukudibana nabo.

Şibiza bonke abathanda ifashoni

ŬCinga ukuba ungaba yimodeli? Ŭneminyaka engaphaya kwe 16?

Ŭyintombazana enobude obungama 172 eesentimitha (172 cm)?

Okanye

Ŭyinkwenkwe enobude obungama 182 eesentimitha (182 cm)?

Ŭkuba kunjalo, sifuna ukudibana nawe.

Ŭkuba ungaphantsi kweminyaka elishumi elinesithandathu (16)

kwaye akukafikeleli kubude obukhankanyiweyo ngasentla,

Şingathanda ukukubona.

Yiza nawe nomZali.

[20]

Isakhiwo se-imeyile

Umbuzo 9 & 10

Iya ku:

Ivela ku:

Umxholo:

Isibuliso:

.....

Umyalezo:

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

Isiphelo:

.....

.....

.....

.....

IMIHLATHANA

Khetha isihloko sibe siNYE kwezi zingezantsi uze ubhale umhlathana ngaso. Umhlathana wakho kufuneka ube **ngamagama ali-120–150** ubude.

UMBUZO 11 IDAYARI

Ubungomnye wabafundi abafunyenwe nentsangu (*dagga*) kwibhegi yakho yesikolo waze wagxothwa esikolweni okwethutyana/okwexeshana. **Bhala** idayari yeentsuku ezi**NE** ungasayi esikolweni. **Bhala** phantsi indlela oziva ngayo kwezi ntsuku.


[10]

OKANYE

UMBUZO 12 UMYALEZO WEFONI

Umoshile/wonile ekhaya baze abazali bakho baphoxeka/badana. Ngoku ufuna imali kodwa uyoyika ukuyicela kubo.

Bhala umyalezo wefoni ucele imali.



[Umfanekiso uthatyathwe kwi-intanethi]

Chaphazela ezi ngongoma:

- Xolisa/cela uxolo ukuba ubabhalele umyalezo wefoni.
- Cela imali uchaze ukuba uyifunela ntoni.

[10]

30 amanqaku

Amanqaku ewonke: 100